

خطط لمستقبلك | الحلقة (70) | #شبابيك | د. حازم شومان

حازم شومان

السلام عليكم ورحمة الله وبركاته. اخواني واحبابي في الله اخواتنا بناتنا شبابنا ربنا يبارك فيكم وربنا يحفظكم يا رب. النهاردة ان شاء الله بازن الله مع المرحلة الثانية من مراحل سلسلة شبابيك. المرحلة الاولى كانت من فترة قريبة جدا. بفضل الله سبحانه وتعالى وبدأنا في عشر - 00:00:00

حجة ان احنا نبدأ المرحلة الاولى من برنامج شبابيك. ازاي نفتح شبابيك في قلوبنا؟ يدخل منها نور الله سبحانه وتعالى. ازاي نفتح شبابيك بينا وبين ناس ازاي ننزل للواقع؟ ازاي نحط ايدينا في ايدين الناس مع بعض كده واحنا رايعين للنبي عليه الصلاة والسلام؟ على الحوض عشان نشرب - 00:00:20

النبي عليه الصلاة والسلام شربة لا نظماً بعدها ابدأ. شبابيك الجزء الثاني يا جماعة. شبابيك الجزء الثاني تحت عنوان خطط لمستقبلك. يعني ايه خطط لمستقبلك علماء الادارة بيقولوا ان عدم التخطيط هو التخطيط ولكن للفشل. علماء الادارة بيقولوا ان عدم التخطيط هو التخطيط ولكن للفشل. يعني اللي ما بيخططش هو - 00:00:40

في خطة فعلا ولكن لانه يكون انسان فاشل. طيب اذا كان الكلام ده اتقال على الدنيا امل على الاخرة. يعني اللي ما بيخططش في الجنة بيخطط بس لانه ما يدخلهاش. اللي ما - 00:01:00

للنجاة من النار بيخطط بس لانه يدخلها. اللي ما بيخططش لمستقبله الحقيقي. اللي ما بيخططش لدنيته واخرته. تعالوا في البرنامج ده المرحلة الثانية من شبابيك نخطط لمستقبلنا. نخطط للمستقبل بتاعنا. هنتعلم مع بعض هنا. ازاي نخطط؟ كل حلقة هنخطط مع بعض لمرحلة من المراحل - 00:01:10

الخطيرة في حياتنا. هنتعلم في اول مرة ازاي نخطط لدنيتنا. للدنيا بتاعتنا هو في برنامج دينا هنتكلم عن التخطيط للدنيا. مش انت نفسك تبقي انسانة سعيدة؟ مش انت نفسك ربنا يفتح عليك في رزقك. مش انت نفسك مشاكل حياتك تتحل. مش انت نفسك دنيتك ديت. ربنا اتنا في الدنيا حسنة. مش ده كان اكثر دعاء النبي عليه الصلاة والسلام؟ وفي - 00:01:30

اخرة حسنة. يبقى هنتكلم ازاي نخطط لدنيتنا. ازاي الدنيا ديت تبقى مرحلة من اسعد مراحل حياتنا. هنتكلم هنا ازاي نخطط في لحظة الاحتضار الاحتضار هو لحظة الاحتضار دي محتاجة تخطيط طبعاً محتاجة تخطيط. لما عبدالله بن عمرو بن العاص كان ابوه بيموت عمرو بن العاص رضي الله عنه في الاحتضار. قال له يا ابتي - 00:01:50

كنت تقول لو ان رجلا عاقلا وصف لنا الموت وهو يموت انت كنت يا ابي بتتمنى ان واحد عاقل يوصف لنا الموت وهو بيموت واني اراك ذلك الرجل قل يا ابي اوصف لي الموت. قل لي الموت ده شكله ايه؟ فقال يا بني كأن السماء قد اطبقت على الارض وكأني بينهما. وكأني اتنفس من ثقب ابرة - 00:02:10

وكأني اتنفس من ثقب ابرة. يبقى التخطيط للحظة الاحتضار. اللحظة دي هي اللحظة اللي الشيطان الشيطان يعني الشياطين بييجي في خنزب مسلا في الصلاة يحاول يبوز لك صلاتك. بييجي شيطان يحاول يفسد بينك وبين زوجك. بييجي شيطان ولكن الشيطان ساعة الموت ساعة الاعتذار ما بيشكلش على المعصية - 00:02:30

لان هو مش عايزك تعصي. الشيطان عايزك تبقى معه في جهنم والمعصية ربنا ممكن يغفرها. ولكن الله لا يغفر الكفر ولا يغفر الشرك سبحانه وتعالى. عشان كده الشيطان كان بييجي لحظة الاحتضار يشكل على الكفر. يشكل على التشكيك في الدين. التشكيك في العقيدة. تخيل كده يا اللي بتدخل على اي موقع الحادي وبتتأسر بالكلام اللي بيقلوه - 00:02:50

تخيل لي صدقت كلام بتوع التوك شف التشكيك في السنة. تخيلي يا اللي بدأت تصدقي الكلام بتاع التشكيك في عذاب القبر. تخيل يا اللي بدأت تشك في دينك لما سمعت كلام - [00:03:10](#)

اهل الشبهات عليه. لما يجي لك الشيطان ساعة الموت ويقول لك انا فلان قريبك اللي مت قبلك. انا اكتشفت ان الاسلام مش هو الصح. انا اكتشفت ان الصح هو اليهودية - [00:03:20](#)

انا اكتشفت ان الصح هو البوذية هتعمل ايه ساعتها؟ هتعملي ايه ساعتها؟ يبقى خطط للحظة الاحتضار بالتسلح باليقين. يبقى اللي مش هيتحصن باليقين من دلوقتي. اللي مش مش هيصالح مش هيحصل اليقين من دلوقتي ممكن يتصدم ساعة الموت اذا كان الشيطان ضحك على الشباب وهم في اقوى حالاتهم وقعهم في المعصية. امال وهم في اضعف حالاتهم لما - [00:03:30](#)

فيجي يشككهم في دينهم هيحصل ايه؟ خطط لمستقبلك ساعة خطط لمستقبلك عند الموت يعني ايه عند الموت؟ هتموتي على ايه؟ هتموتي على ايه؟ ده دي حلقة تانية الواحدة ايه الخاتمة اللي هنقابل بها ربنا؟ ايه الحاجة اللي انت هتقابل بها ربنا سبحانه وتعالى؟ ايه الموقف؟ المشهد النهائي للعمل بتاعك. انت تعرفي ان انت لما تفتحي - [00:03:50](#)

صحيفتك ساعة تطاير الصحف يوم القيامة. اول عمل هتقريه مش هو اول عمل انت عملتيه. اول عمل هتقريه هو اخر عمل عملتيه. انما الاعمال بالخواتيم. يعني اخطر عمل في حياتك هو اخر عمل في حياتك. هو ده اول عمل انت هتقراه ساعة تطاير الصحف. خطط لمستقبلك - [00:04:10](#)

تكساعة العرض على الله. لما ربنا يسألك عن الاسلام. ولما يبجي الاسلام ويقول يا رب هذا نصرني. ويا رب هذا خذلني حتى اذا جيه بعمر ابن الخطاب قال الاسلام يا رب كنت غريباً حتى اسلم عمر. يعني من ضمن الاسئلة ساعة العرض على الله. سؤال عملت ايه للاسلام؟ عملت ايه للاسلام؟ نصرت دينك ولا لا - [00:04:30](#)

الدين هيشهد عليك في اللحظة دي. عملت ايه للدين؟ لما كان اليهود يعني حرقوا شاب فلسطيني في رمضان اللي فات دهوت. لما كان اليهود ضربوه وزيفة حرقوه والام شايلاها على ايديها وبتجري تدور على مستشفى ما فيش مواصلة توصلها. ما فيش حد في الشارع لسه موجود. لحد ما ابنها اتحرق على ايديها مات محروق - [00:04:50](#)

وهي مش قادرة توصله. اللحظة دي انت كنت بتعملي فيها ايه؟ اللحظة دي انت كنت بتعمل فيها ايه؟ خططوا يا جماعة. خططوا لان احنا لازم نخطط. خططوا للجنة. خططوا للجنة - [00:05:10](#)

السموات والارض كل علم الادارة واستيفن كوفي والكلام بتاع الادارة والتايم مانيش بنت. والدبومات والانتش ار وكل الدورات بتاعة علم الادارة كلها عشان نخطط ازاى نكسب مليون جنيه؟ ازاى نكسب اتنين مليون جنيه؟ طب التخطيط لجنة عرضها السماوات والارض ممكن يحتل قد ايه من حياتنا - [00:05:20](#)

عشان كده النبي عليه الصلاة والسلام وهو داخل الجنة. وهو داخل الفردوس الاعلى. الاول على البشرية. فلقى امرأة بتجري بتسابقه. دي رقم اتنين على البشرية. دي التانية على البشرية في - [00:05:40](#)

الشرقية كلها في دخول الجنة. فالنبي عليه الصلاة والسلام مبهور ان فيه امرأة هي اللي خدت الثاني. فييقول لها من انت؟ انت مين؟ انت مين؟ قالت له انا امرأة مش انا - [00:05:50](#)

فلانة ما فيش هنا تعريف بالاسماء. التعريف هنا بالاعمال. فقلت له انا امرأة قعدت على عيال لي. يعني الست دي يا جماعة جماعة كانت بتصلي ولا ما كنتش دخلت الجنة؟ الست دي كانت بتصوم والا ما كانتش دخلت الفردوس الاعلى؟ الست دي كانت بتقوم الليل ولكن الست دي لما النبي عليه الصلاة والسلام سألها - [00:06:00](#)

الست دي كانت مركزة اوي في الدنيا. وهي عرفت ان تركيزها كان من اسباب دخولها الفردوس الاعلى. فلما النبي سألها ما قالتلوش ده انا كنت بصلى وبصوم وبتصدق. لا لا لا - [00:06:20](#)

العمل اللي هي عارفة ان ده اللي دخلها الفردوس الاعلى. قالت له انا فرغت عمري لتربية ولادي. تربية الابناء. يعني العمل الاول في دخول الفردوس الاعلى النبوة. العمل الثاني تربية الابناء. عشان تعرفي تربية اولادك دول. انك انت من تخطيطك لمستقبلك انك تربى

ولادك تربية صح. وتصبري عليهم. تخطيط. عشان كده النبي - 00:06:30

عليه الصلاة والسلام لما سمع صوت آآ يعني نعل سيدنا بلال في الجنة سمع صوت نعل بلال في الجنة. فالصوت ده يعني شوفوا النبي بيحب اصحابه ازاى؟ النبي عارف صوت مشية سيدنا بلال. فيقول له المشية اللي انا سمعتها في الجنة ديت دي صوت مشيتك انت يا بلال. انت بتعمل ايه؟ بلال قال له ايه - 00:06:50

قال له يا رسول الله اني كلما توضأت صليت ما شاء الله لي ان اصلي. بلال كان ممكن يقول يا رسول الله انا بصلي وبصوم وبتصدق وبابر اخواني وبدعوا على الله. لا ده مركز يا جماعة - 00:07:10

التركيز دايما هو اللي بيوصلنا لاعلى الدرجات. عشان كده احنا عايزين نركز عشان كده زو القرنين. ربنا بيقول عليه في سورة الكهف ايه؟ ها؟ انا مكنا له في الارض واتيناه - 00:07:20

ومن كل شيء سببا. اتيناه من كل شيء سبب دي هي السبب الاول لتحطيم نفسية البشر في الحياة. قبل كده كل المحبطين قابل كل المحطمين نفسيا. هتلاقهم ناس ازكيا جدا. عندهم مواهب كتير جدا. عندهم ابواب مفتوحة كتيرة جدا. ولكن بسبب تعدد المواهب شتته. طب اعمل - 00:07:30

ايه انا بفهم في دي وفي دي وفي دي. طب ابقى دي ولا ابقى دي. امشي في الطريق ده ولا ده ولا ده. انا انسان عندي مواهب كتير. من اهم اسباب التحطم النفسي. عشان كده - 00:07:50

الاكتئاب مرض الازكيا ليه؟ لانه عنده مواهب كتير ومش عارف يجمع ما بينها فيبتحطم نفسيا. طب شوفوا زو القرنين عمل ايه بقى؟ لما ربنا اتاه من كل شيء سببا. لما ربنا ادى له مواهب - 00:08:00

كتير الاية اللي بعدها اتبع سببا. حط كل الامكانيات بتاعته في طريق واحد. حط كل الايات اللي ربنا اداها له في حاجة واحدة فلما ركز حتى اذا بلغ مطلع الشمس حتى اذا بلغ مغرب الشمس لف الكرة الارضية وكان اعظم مجاهد في تاريخ البشرية - 00:08:10

ليه؟ وفتح الكرة الارضية كله ليه؟ لانه ركز. لانه حط كل امكانياته في نقطة واحدة وركز فيها. هي ديت القضية اللي احنا عايزين نقولها. خططي لمستقبلك النار ما تستاهلش ان انت تخططي ازاى تنجي منها. لما دخل لما كان صحابي من اصحاب النبي عليه الصلاة والسلام معاذ ابن ابن عفراء - 00:08:30

وهذا الصحابي كان كل ما يجي له حاجة يطلعها لله. يجي له فلوس يطلعها لله. فمراته اتضايقت فكلمت اخواتها. فاخواتها راحوا كلموه فيقولوا له يعني مش هينفع كده طب اقسم نصه بالنص طب اعمل قال لهم ايه؟ قال لهم ابت نفسي ابت نفسي الا ان استتر - 00:08:50

بكل شيء اجده من النار. يبقى ده انسان كان مركز في قضية معينة. قضية ايه؟ قضية النجاة من النار. وعارف ان القضية ديت محتاجة ستار بينه وبينها. فكان بيتخز كل حاجة ربنا بيديها له ستار ده تخطيط يا جماعة. ده فكر استراتيجي. ده كيف نخطط للنجاة من النار استراتيجيا؟ ده كيف - 00:09:10

طب شوفي انت بقى سعيد ابن عامر بقى الناحية الثانية. سعيد ابن عامر سيدنا عمر ابن الخطاب بعته عشان يبقى امير في اه جزء من بلاد الشام. فسيدنا سعيد لما راح سيدنا عمر ابن الخطاب ادى له مبلغ فمراته قالت له هتعمل به ايه؟ قال لها تاجر به. هتاجر به. ونسكن اي سكن وخلص نقضيها يعني وتاجر به. وقام رحمة الله قولوا لله - 00:09:30

بعد فترة الفلوس اخبارها ايه؟ بتزيد ما تقلقش. مراته اكتشفت عيطت. قال لها بصي بقى شف قال لها ايه. شوفي الكلمة اللي قالها لها. عشان تتعلمي منها. عشان انت قال لها اني لينتظرنى جزاء ما افعل. حور عين في الجنة. لو اطلت احداهن على الارض - 00:09:50

ارض لاناارة الارض من جمالها. واني لمضح بك من اجلهن ولست بمضح بهن من اجلك. الكلمة دي يا جماعة معناها ايه؟ الراجل ده عارف بيعمل ايه؟ هذا الصحابي مركز. هذا الصحابي بيخطط لدخول الجنة استراتيجيا. هذا الصحابي عارف هو بيعمل ايه. عشان كده سيدنا عبدالله بن جحش - 00:10:10

لما وقف سيدنا سعد ابن ابي وقاص قبل غزوة احد يدعي يا رب انصرنا يا رب. فعبدا لله بن جحش قال ايه؟ قال اللهم ارزقني اليوم رجلا كافرا شجاعا صندودا يقتلني - [00:10:30](#)

يبقى البطن يقطع انفي يكدع اذني. الفاك يا رب بدمي فتقول عبدي لما فعل بك هذا؟ فاقول فيك وفي رسولك يا رب. عبد الله بن جحش مركز يا جماعة. عبدالله بن جحش مركز في لحظة العرض على الله. قاعد يشتغل ليل نهار. لآخر لحظة في حياته عشان العرض على الله. عشان اللحظة اللي هيعرض فيها على الله سبحانه - [00:10:40](#)

وتعالى. هم دول الناس اللي بيوصلوا. هم دول الناس اللي بيفوزوا. ابو طلحة حاطط رأسه على آآ رجل ام سليم زوجته وببيكي. بتبكي ليه؟ قال لها قال تعالى او ان منكم الا واردها هنعدي كلنا من على الصراط وتحتنا جهنم. واخبرنا ربنا انا واردون ولم يخبرنا انا صابرون. ده انسان مركز. ده انسان كل قضيته في - [00:11:00](#)

اتوا الى الصراط. انسان كل قضيته في حياته ساعة العبور من على الصراط. قاعد يركز من دلوقتي. بر الوالدين بيعدي من على الصراط. يبقى ركز فيه. قعد يركز من دلوقتي. ازاي ان احنا - [00:11:20](#)

كمل الطريق اللي على الصراط يبقى عايز اعمال. النور بتاعها يكفي لشحن الطريق ده كله. قاعد مركز من دلوقتي. يبقى خطط لمستقبلك. خططي لمستقبلك. خططوا لمستقبلكم في الدنيا خططوا لمستقبلكم في الدار الآخرة. خططوا للمستقبل بتاعكم عشان تعرفم بازن الله سبحانه وتعالى. لما نيجي في الآخرة او حتى في الدنيا - [00:11:30](#)

نبقى احنا عارفين احنا بنشتغل ازاي يا جماعة ما ينفعش ان اهل الدنيا يبقوا محترفين في طلب الدنيا واهل الآخرة يبقوا هواة في طلب الآخرة يبقى كده اللي بيجي بيجي - [00:11:50](#)

اللي ما يجيش ما يجيش. عايزين نخطط لمستقبلنا في الدنيا. واحنا في بداية السلسلة. في الدنيا؟ اه. وانت بادئ من اول حلقة كلام عن الدنيا؟ اه. لان الدنيا دهيت هي - [00:12:00](#)

اللي لو عشنا فيها سعداء هنقدر واحنا بنطلب الآخرة نطلبها واحنا مستريحين. نخطط لمستقبلنا في الدنيا ازاي؟ حديس يزلزل القلب حديس يغير سلوك المجتمع ده اهو كله لو الناس صدقته. حديس والحديس في صحيح مسلم. حديس صحيح عن النبي عليه الصلاة والسلام. حديس لو الناس صدقته - [00:12:10](#)

كل سلوك الناس هيتغير في الحياة. وانت رايحة تصلي نفسيتك هتتغير. وانت بتقوم الليل نفسيتك هتتغير. وانت بتعمل اي طاعة نفسيتك هتتغير. قال رسول الله صلى الله عليه وسلم ركزي معي بقى. اقفلي الموبايل بتاعك. ركز معي. يعني مش وقت كوباية شاي. مش وقت اي حاجة يا جماعة. خلي كل جزء في جسمك - [00:12:30](#)

معني واحنا بنسمع الحديس ده. عايزين عايزين نركز مع حديس النبي عليه الصلاة والسلام. قال رسول الله صلى الله عليه وسلم ان الله لا يظلم مسلما حسنا. ان الله لا يظلم مسلما حسنا ولا حسنة واحدة هتعملها وربنا - [00:12:50](#)

ربنا هيظلمك فيها. يعني ايه يا رسول الله؟ يعني حاجتين هتاخداهم. ان الله لا يظلم مسلما حسنا. واحد اسمعي بقى يعطى وبها في الدنيا. يعني الرسول عليه الصلاة والسلام بيقول لك ولا حسنة. هتعملها في الدنيا مش هتاخدي سوابها في الدنيا - [00:13:10](#)

تعطى مين اللي بيعطي الله؟ يعطى بها في الدنيا. يعني كل سجدة هتسجديها. كل ركعة هتركعها. كل صفحة قرآن هتقريها. كل اية هتصلي بها كل ليلة هتقومها كل جلسة ضحى هتقعدها. كل مرة هتتكلم عن ربنا سبحانه وتعالى. ان الله لا يظلم مسلما حسنا - [00:13:30](#)

بها في الدنيا. يبقى ولا حسنة ولا حسنة. طب وبعد كده يا رسول الله؟ ويجزى بها في الآخرة. يعني انت انت هتاخذ على كل عمل صالح بتعمله في حياتك. هتاخذ سوابين. سواب في الدنيا وثواب في الآخرة. اللي يصدق الحديس ده. لو انت مصدقة ربنا. يا جماعة احنا بنعامل ربنا - [00:13:50](#)

لو عملتيها لدكتور الماده يسقطك. لو عملتها لمراتك تخلعك. لو عملتها لجوزك يطلقك. لو عملتها اي اي انسان يعني انا مش عايز اقول هيتعامل معك ازاي احنا بنعامل ربنا ازاي؟ ربنا بيقول لنا كل ده. ربنا بيوعدا مش مصدقين وعود ربنا سبحانه وتعالى. مش مصدقين

احنا مش عايزين نندم يا جماعة. مش عايزين نندم. خلاص كل حاجة قريت. علامات الساعة الصغرى كلها زهرت. مش عايزين نندم. موت الفجأة زاد. الواحد بينزل دلوقتي برة بيته ما بيرجعش. الواحد الوقتي بيتكلم في شغله ما بيرجعش. في اي لحزة ممكن اي حاجة تحصل. في اي لحزة ممكن الحياة كلها تنتهي. الممسلي اللي اتفق مع - 00:14:30

فتعلو الزنا وذهبت معه في الشقة اللي هو حددها. وهو بيوقع في الزنا قاعد ياخد منشطات منشطات. قعد ياخد هذه الامور مات جاله هبوط في الدورة الدموية مات البنت هربت من المكان يوم اتنين ثلاثة اربعة خمس تيام ما حدش حاسس به. وهو ميت عاري على فراش الزنا. وفي وضع زنا لحد - 00:14:50

الجيران شموا الريحه بتاعته. الناس كسرت الباب دخلت لقت فلان الفلاني نايم عاري. ومات وهو يزني وجسته متعفنة. يعني الانسان ممكن يكون المعصية اللي بتتعرض عليه دي هي اخر حاجة هتتعرض عليه في حياته. ممكن يكون ده اخر امتحان هيمتحنه في حياته. يعني الانسان لازم يفكر يا جماعة. ولازم نركز عايزين نركز - 00:15:10

يا اخوانا احنا بنقرا قرآن بس مش مركزين بنصلي بس مش مركزين. بنشتغل في الدعوة بس مش مركزين عايزين نركز. من اجمل الحاجات اللي اثرت فيها لما كنت في جامعة اسكندرية - 00:15:30

ولقيت الاسرة اللي كانت مستضيفاني اسمها ركز. فطلع الشاب يقدم الاسرة قبل ما نبدأ الندوة. فيقول احنا سميننا الاسرة بتاعتنا ركز ليه؟ فيقول لان سبب الناس في الحياة. مش انهم ما بيشتغلوش. النوم مش مركزين في اللي هم بيعملوه. فقضية ان احنا نركز يا اخوانا ان احنا نركز عشان نقدر ان احنا نوصل. خطط لدنيتك - 00:15:40

خطط لدنيتك لما ربيعة بن كعب الاسلمي الشاب الصغير بتاع اهل الصدفة اللي ما فيش حزاء في رجله يلبسه. اللي لو ما حدش عشاها هينام من غير عشا النهاردة اللي ما لوش بيت بينام في المسجد ربيعة بن كعب الاسلمي لمن عمل خدمة للنبي عليه الصلاة والسلام وبعني فالنبي عليه الصلاة والسلام بيقول له سلني يا ربيعة اطلب يعني - 00:16:00

دلوقتي بيقول لي اطلب وانا محتاج اقول له شقة يا رسول الله ده واحد من اهل الصدفة عايز يتجوز. اتقدم لواحدة ليه يا رسول الله عشان يجوزوها لي يا رسول الله؟ طب اعانة شهرية - 00:16:20

يا رسول الله عليه الصلاة والسلام. ربيعة بن كعب الاسلامي مركز. ولما جت الفرصة المركز دايم لما بيحيي له الفرصة بيكسر الدنيا. ليه؟ لانه مركز لانه عارف هو عايز ايه. ربيعة بن كعب الاسلمي محدد هدفه في الحياة. انت محددة هدفك في الحياة. انت محددة هدفك وقضيتك في الحياة. اول ما جت له الفرصة الباب اتفتح - 00:16:30

سلني يا ربيعة اسألك مرافقتك في الجنة يا رسول الله. النبي عليه الصلاة والسلام بوغت بالاجابة. النبي عليه الصلاة والسلام قال له اوغير هذا؟ النبي مش متخيل كان متوقع هيقول له - 00:16:50

هيقول له جوزني هيقول له سكني. هيقول له اكلني. انما ربيعة ابن كعب الاسلامي قال له اسألك مرافقتك في الجنة. ده انسان مركز. ده انسان عارف هو عايز ايه ده انسان محدد هدفه. عشان كده يا جماعة دايم كتاب السيرة بيذهلوا. ازاي طفلين يقتلوا ابو جهل في غزوة بدر؟ طفلين يدخلوا يقتلوا ابو جهل - 00:17:00

انتم فاكرين ابو جهل ده كان داخل كده غزوة بدر كده ده داخل حواليه حراسة ومدجج بالحراسة ازاي طفلين قتلوا يقتلوا ابو جهل لان هم من قبل ما يدخلوا المعركة سألو - 00:17:20

عبدالرحمن ابن عوف سمعنا ان ابا جهل يسب رسول الله صلى الله عليه وسلم. ولنقتله ومصممين انهم يقتلوه. يبقى طفلين داخلين معركة محددين هدفهم قتلوا رأس الكفر. قتلوا فرعون هذه الامة. طفلين فرعون يتقتل على ايد طفلين. لان هم مركزين. فهي دي القضية. قضية ان ربيعة ابن كعب الاسلمي - 00:17:30

مركز عارف هو عايز ايه؟ اسأله كم مرافقتك في الجنة؟ اوغير هذا لا اسألك غيرها هي دي يا رسول الله. هي دي فالرسول عليه الصلاة والسلام قال له ايه؟ قال له اعني على نفسك - 00:17:50

كثرة السجود على قد سجداك على قد درجاتك. يبقى انت انا هجتهد في الدعاء وانت اجتهد في السجود. وان شاء الله تبقى معي في الجنة. يا ربيعة يا ابن كعب - 00:18:00

يبقى انا عايز اقول لك دلوقتي لو انت مكانه لو انت مكانه ورئيس الجمهورية بيقول لك اطلب مني هتطلبني ايه؟ وانت هتطلب ايه؟ هتعمل ايه وانت مكانه. ربيعة بن كعب ما كانش عايز دنيا كان عايز اخرة. يبقى انسان يا جماعة يعني اللي زي ربيعة بن كعب ده بيجي له امراض عصبية وفي سنه. يعني انا قابلت شباب - 00:18:10

اللي في سنه اللي عندهم الزروف المادية اللي هو كان عايش فيها. عندهم امراض نفسية وببروحوا لاطباء نفسيين. ومن هم في السن داهو ومن وهم صغيرين. انما ضغوط الدنيا فتكت بنفسيتها - 00:18:30

وحش الامراض النفسية عصر نفسيتهم. ربيعة بن كعب كان سعيد ازاى؟ وكان مستقر نفسيا ازاى؟ لانه هو كان مع ربنا سبحانه وتعالى ان مع الله انما الانتحار اللي موجود دلوقتي كل يوم بينتحر على وجه الارض اربع تلاف واحد. اربع تلاف واحد بينتحمروا كل يوم على وجه الارض. بينتحمروا ليه - 00:18:40

مش نفسهم يعيشوا زيهم زيك! مش نفسهم يسعدوا زيهم زيك! مش عندهم طموحات زيهم زيك! امال بينتحمروا ليه! ايه اللي بيوصلهم للانتحار! لان هم مش مخططين الدنيا صح. هم فاكرين ان السعادة في الدنيا بتيجي انما ربيعة بن كعب الاسلامي فهم ان الاربعة تلاف دول ما فهموش. فهم ان كل اللي بينتحمروا في الدنيا دي كلها - 00:19:00

كلها ما فهموش. عشان كده ربيع ابن كعب كان فقير. تعرفوا ان الامم المتحدة صنف ان السبب الاول في الاكتئاب في العالم. الاكتئاب هو سبب الانتحار. قالت ان السبب الاول - 00:19:20

الاكتئاب في العالم هو الفقر. الفقر. طب ربيعة كان فقير. ما كانش مكتئب ليه؟ ما كانش محطم نفسيا ليه؟ كان سعيد ومبتهج ومنطلق وبيطمح وبيحلم ليه؟ لانه هو كان عارف ان السعادة في الدنيا بسبب الدين. سيدنا حرام ابن ملحان وهو بيتكلم عن ربنا في وسط الجزيرة العربية. وقام جاي واحد من ضهره وقام طعنه. حركة خيانة - 00:19:30

اتقتل. تخيلي لو انت مكانه تعملي ايه؟ هتبصي تشوف اللي قتلك. هتقول حرام عليكم. تقتلونني ليه وانا باكلكم عن ربنا! هتجري على مستشفى تدوري على حد سيدنا حرامي ما بصش وراه. فضل ياخذ الدم ويتزين للقاء الله ويغرق الدم في جسمه. فرحان فرحان بالموت الاخرى - 00:19:50

ويقول فزت ورب الكعبة فزت ورب الكعبة. اللي طعنه اسلم من الزهول من المنزر. يا جماعة في وسط ازاى؟ ده انت بتموت. ده الناس دلوقتي من اكثر الامراض التفسير المنتشرة عند الاطباء النفسيين رهاب الموت. من اكثر الامراض المنتشرة خايف من الموت يبدأ ياخذ معدات نفسية. اخر ثلاثين سنة في حياته ليه؟ لانه خايف من لحظة الموت - 00:20:10

سيدنا حرام ابن الملحان بيموت وهو بيقول فزت ورب الكعبة فرحان. اللحزة اللي النفوس فيها بتتحمط. اللحزة اللي لما بتدخل المستشفى وتشوف منزر المحتضرين ومنزر اليأس اللي على الوجوه ومنزر الاكتئاب اللي على الوجوه. كنت معهد اخواني ورحنا نزور واحدة قريبتة. بصيت لمنزرها قبل ما تموت بايام. قلت له ده عندها اكتئاب نفسي فزيع - 00:20:30

قال لي عرفت ان هي ما بتنطقش اصلا. قال لي فعلا الدكتور قال لي عندها يأس من الحياة. قلت له منزر الوش بتاع الانسان اول ما يقرب من الموت بيحس باليأس. بيحس بالسواد والعياذ بالله - 00:20:50

حرامي ابن ملحان واقف وسط اللي قتلوه ووسط اللي تأمروا على قتله وواقف يصرخ ويقول فزت ورب الكعبة. الحمد لله على الموتة العظيمة دي يا رب موتة مؤمن ال ياسين. مات موتة ربنا خلها في القرآن. مات موتة عظيمة. فرحان بالسبب اللي هو مخلي الناس ماشية مكتئبة في الحياة - 00:21:00

ومخلي الناس ماشية مخنوقة في الحياة. يبقى مين يا جماعة اللي مخطط لدنيته؟ الناس اللي قعد يخطط للدنيا باسباب الدنيا وفي الاخر انتحر وفي الاخر الف اسبرسلي انتحر ليه؟ ده ليه ده انتحرت ليه؟ امال ليه المرور انتحرت ليه؟ كريستينا اونايس انتحرت ليه؟ كل الشخصيات العالمية دي انتحرت ليه؟ كل الناس دي انتحرت ليه؟ لو كانت الدنيا بتجيب سعادة - 00:21:20

خططي لدنيتك للصلة بالله. خططي لسعادتك في سعادتك في الدنيا بالصلة بالله. خطط لرزقك بقول الله ولو ان اهل القرى امنوا اتقوا لفتحنا عليهم بركات من السماء والارض. ده مش رئيس جمهورية مرشح نفسه في الانتخابات وبيوعدك. ده مش مرشح مجلس شعب مرشح نفسه في الدائرة - [00:21:40](#)

بتاعتك وبيوعدك. ده ربنا اللي بيوعدك. بيقول لك افتحها عليك من السما والارض. مصدقين ربنا. وامر اهلك بالصلاة واصطبر عليها. لا نسألك رزقا. امال ايه يا نحن نرزقك. صل وربنا يرزقك. صل وربنا يفتح عليك. صل وربنا يغمر حياتك بالامن والعطاء - [00:22:00](#)

ابدا بنت لبست نقاب وباعة لي رسالة بتقول اول ما النقاب حضن وشي انا انا قريرت الكلمة كده شف الكلمة اللي هي حاسة يعني كأن واحدة مسلا ايه واحدة مسلا اتجوزت اللي بتحبه وبتقول اول ما خدني مسلا بين ايديه ده واحدة بتقول لك اول ما النقاب حضر - [00:22:20](#)

وشي حسيت وقاعدة توصف بمشاعرها. انا كلمة حضن وشي. الكلمة دي علمت في قلبي يا جماعة. يعني هو هي حاسة بسعادة للدرجة ديت. واحدة تانية اول ما لبست حجاب امهات المؤمنين بعنت كلمة بتقول كلمة غريبة اوي. بتقول انا حسيت ان انا عروسة. الدنيا كلها بتزفني. الدنيا كلها بتزفني - [00:22:40](#)

تخيلا ان في ناس بتعيش سعداء بالدين للدرجة ديت. شاب من الشباب بعث يعني شاب من الشباب يعني كان آآ ليلة ثلاثة وعشرين رمضان الشاب ده كان آآ ممسل كوميدي وممسل مسرحي. والشاب ده جه في رمضان قال انا عايز اتوب لربنا. انا عايز اتغير. انا عايز اغير حياتي. بدأ يدخل الجامع ويصلي - [00:23:00](#)

قلبه زي الحجر ما هوش حاسس بحاجة. يوم اتنين اسبوع اتنين ثلاث اسابيع من رمضان عدوا ما هوش حاسس بحاجة. بيقول جت ليلة ثلاثة وعشرين. خلاص الدنيا ظلمت في وشي - [00:23:20](#)

بيقول ما نيش عارف اعمل ايه ايه اللي اعمله لقي واحد صاحبه بيتصل به قال فلانة صاحبتنا ها آآ انا تيم مع بعض بقى فلانة صاحبتنا في الشلة عازمانة على عيد ميلادها النهاردة وهيبقى فيه خمر - [00:23:30](#)
وهيبقى فلانة جاية وفلان جاي وفلانة جاية وفلان جاي. سهرة بقى من السهرات بتاعتهم بقى. يعني يعني مش بقى ولا فيست في الكلر ولا ده حاجة بقى سهرة شبابية بقى - [00:23:40](#)

واصحاب مع بعض بقى داخلين في هذا الكادر مع بعض. قال له كل اللي انت نفسك فيه يبقى موجود الليلة. فبيقول ساعتها حسيت ان ده الامتحان اللي ربنا بيمتحنني به. انا هاقدر اقول لأه ولا مش هاقدر - [00:23:50](#)

كلمة لأ اول كلمة انت بتقولها عشان تدخل في الاسلام. لا اله الا الله. لا انك تقولي لا لكل حاجة تتعلق عن ربنا. والا ما ينفعش انك تدخل في هذا الطريق فبيقول قلت لهم لأ انا مش جاي انا عايز اتوب لربنا بيقول قفلت السماعة قفلت السكة واول مرة احس بالنور ده في قلبي واول مرة احس - [00:24:00](#)

جوايا. اول مرة بيقول رحت اصلي التراويح. خلصت التراويح وانا قلبي في السماء. خرجنا كلنا من المسجد لقيت قلبي مخطوف للمسجد ثاني. الناس كلها خارجة برة وانا بجري على جوة ثاني. بيقول وقفت اصلي ونزلت اسجد. بيقول سجدة كل زكريات حياتي عشتها فيها. بيقول سجدة كل تاريخ - [00:24:20](#)

الحياة تيجي فيها. بيقول السجدة دي اعظم واجمل زكريات حياتي كلها في السجدة دي. في واحدة زكريات حياتها في السهرة الفلانية واليوم الفلاني. في واحد زكريات حياته يوم فرحه ولا يوم ما اتخرج. دي زكريات حياته في اللحزة اللي ربنا فتح قلبه للسجود فيها. وقلبه عاش مع ربنا في - [00:24:40](#)

السجدة دي فيها السعادة. اللي الانسان بيعيشها وهو مع ربنا لا يمكن يجيها من اي مصدر ثاني. خطط لمستقبلك. النهاردة كنا بنبدأ في السلسلة ديت كنا بنبدأ في سلسلة خطاطي لمستقبلك. خطط لمستقبلك. النهاردة كنا بنتكلم عن نقطة. في التخطيط للدنيا. ازاى ان احنا نخطط لدنيتنا؟ ازاى - [00:25:00](#)

دلوقتي الناس كلها تعساء نعيش احنا سعداء. ازاي ان في الوقت الناس كلها مخنوقة نعيش احنا في صدورنا منشرعة؟ منشرحة. ازاي في الوقت اللي الكآبة بتفترس الناس تراس نعيش احنا موصولين بربنا سبحانه وتعالى. ازاي والناس بتجيب الجنيه بطلوع الروح ربنا يفتحها عليك انت. ازاي والجواز اصبح كرامة من الكرامة - [00:25:20](#)

اللي بتتجوز دلوقتي هيدوها نوبل. ازاي في الوقت ده انت ربنا يرزقك زوج يعيشك سعيدة في الدنيا ويبقى رفيقك في الفردوس الاعلى. ازاي؟ ازاي يا جماعة والناس كلها بسبب المعاصي والذنوب عايشة حياة كئيبة خنيقة! ازاي انت تعيشي اسعد حياة! وازاي انت تعيش اجمل حياة واطيب حياة - [00:25:40](#)

خطط لمستقبلك مرة مرة وحلقة حلقة ان شاء الله باذن الله. هناخد في برنامج شبابيك اتنين. هناخد في المرحلة الثانية من الشبابيك اللي بنحاول نفتح قلوبنا لنور ربنا عشان يدخل فيها ونفتح شبابيك على الحياة بينا وبين الحياة ازاي في البرنامج ده ازاي نقدر نخطط للحزة الاحتضار للموت لنعيم القبر - [00:26:00](#)

للجنة للحزة العرض على الله. للفردوس الاعلى للشرب من ايد النبي عليه الصلاة والسلام على الحوض. ازاي ان احنا نخطط ان احنا ناخذ الصحيفة بتاعنا باليمين. ازاي ان احنا نخطط ان كفة الحسنات تتطب؟ ازاي احنا نخطط ان احنا نعدي من على الصراط؟ ازاي ان احنا نخطط؟ ان احنا نبقي رفقاء النبي عليه الصلاة والسلام في الجنة - [00:26:20](#)

ازاي ان احنا نخطط لرضا الله انك تحطي راسك على المخدة بالليل وربنا راضي عنك؟ وربنا سبحانه وتعالى راضي عنك. ازاي؟ ان احنا نخطط يا جماعة لان احنا نقف على منابر من نور في ظل عرش الله. خططوا لمستقبلكم. ربنا يسد دكم. ربنا يبارك فيكم. ربنا يهدي شباب الامة. ربنا يهدي شباب مصر وبنات دبي. وبنات - [00:26:40](#)

تونس ورجالة المغرب ربنا يهدي كل شاب وفتاة وكل راجل وامرأة وكل طفل من اطفال الام دول ايا ما كانوا تحت اي سماء وفوق اي ارض سبحانهك اللهم وبحمدك اشهد ان لا اله الا انت استغفرك واتوب اليك - [00:27:00](#)